

**ODLUKU  
O KOREKCIJI REGULACIONOG PLANA  
"KOŠEVSKO BRDO"**

(Izgradnja stambenog objekta kolektivnog stanovanja na zemljištu označenom kao k.č. 96/1, 96/2, 96/3, 96/4 i 103/6 KO. Sarajevo VII)

**Član 1.**

Utvrđuje se Korekcija Regulacionog plana "Koševsko brdo" ("Službene novine Kantona Sarajevo", broj 36/10), u daljem tekstu: Korekcija Plana.

**Član 2.**

Korekcijom Plana utvrđeni su planski preduvjeti za izgradnju stambenog objekta kolektivnog stanovanja, na zemljištu označenom kao k.č. 96/1, 96/2, 96/3, 96/4 i 103/6 K.O. Sarajevo VII.

Predmetna izgradnja pored zadovoljenja uslova definisanih Odlukom o provođenju Plana ("Službene novine Kantona Sarajevo", broj 36/10), treba da zadovolji slijedeće urbanističko-tehničke uslove:

- Regulaciona i građevinske linije planiranog objekta definisane su u grafičkim priložima br. 2 i br. 3.
- Maksimalna spratnost objekta je suteran, prizemlje i četiri sprata (SP4), BGP objekta iznosi 2 204 m<sup>2</sup>.
- Definisane građevinske linije objekta ne mogu se preći nijednim dijelom građevine, uz napomenu da se građevinska linija spratnih etaža ne može odobriti u kontinuitetu već u segmentima, obzirom da je definisana u svrhu slobodnijeg arhitektonskog oblikovanja.
- Izuzetno od gore navedenog stava, ako za to postoji potreba:
  - građevinska linija suterenske etaže može biti veća od građevinske linije prizemlja u dijelu parcele prema Ulici Dajanli bega, s tim da ista mora biti udaljena od regulacione linije parcele minimalno 2 metra.
  - linija krova na završnoj 4. etaži može biti veća od definisane građevinske linije - obzirom da je krov treće etaže planiran kao ravni prohodni krov - do maksimalno 1 metar.

- Kako je predmetni objekat dužom stranom okrenut prema ulici, a da bi se doveo u ravnotežu sa okolnim objektima, odnosno blokom u cjelini, potrebno je arhitektonsko oblikovanje fasade izvesti na način koji će vizuelno ublažiti horizontalni gabarit.
- Korekcijom Plana je određen položaj ulaza/izlaza iz garaže. Neophodno je obezbijediti propisan parking prostor u okviru suterena planiranog objekta ili na otvorenom ako se isto može uklopiti u koncept vanjskog uređenja objekta sa minimalnim brojem 1 stan - 1 parking mjesto.

**Član 3.**

Korekcija Plana sastoji se iz tekstualnog dijela i grafičkih priloga sa prikazanom građevinskom parcelom i građevinskom linijom planiranog objekta.

Tekstualni dio i grafički prilozi Korekcije Plana su sastavni dio Regulacionog plana "Koševsko brdo" ("Službene novine Kantona Sarajevo", broj 32/13).

**Član 4.**

Korekcija Plana je radena za fazu urbanizma, a obaveza investitora je da za faze komunalne infrastrukture i saobraćaja izvrši usaglašavanje Korekcije Plana sa Idejnim rješenjima, koja su sastavni dio Regulacionog plana "Koševsko brdo", te da pribavi saglasnost nadležnih javnih komunalnih preduzeća.

**Član 5.**

Po jedan primjerak ovjerene korekcije Plana (tekstualni dio i grafički prilozi) nalazi se na stalnom javnom uvidu i čuva se u Službi dokumentacije Općine Centar, Zavoda za planiranje razvoja Kantona Sarajevo, Ministarstva prostornog uređenja i zaštite okoliša Kantona Sarajevo i Gradske uprave Grada Sarajeva - Službe za urbano planiranje i stambene poslove.

**Član 6.**

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 07-23-3791/16  
11. augusta 2017. godine

Općinski načelnik  
Prof. dr. **Nedžad Ajnadžić**, s. r.

**OPĆINA ILIJAŠ****Općinski načelnik**

Na osnovu člana 29. Odluke o izvršavanju budžeta općine Ilijaš za 2017. godinu ("Službene novine Kantona Sarajevo", br. 3/17 i 27/17), a u skladu sa odredbama člana 3. Budžeta općine Ilijaš ("Službene novine Kantona Sarajevo", br. 3/17) te člana 107. Statuta Općine Ilijaš - Prečišćeni tekst ("Službene novine Kantona Sarajevo", br. 20/09), Općinski načelnik donosi

**ODLUKU****O ODOBRAVANJU UPOTREBE SREDSTAVA  
BUDŽETSKE REZERVE IZ BUDŽETA OPĆINE ILIJAŠ  
ZA 2017. GODINU****Član 1.**

Odobravaju se novčana sredstva u ukupnom iznosu od 2.000,00 KM (dvijehiljade konvertibilnih maraka) na ime troškova sanacije potpornog zida u cilju stabilizacije ugroženog od klizišta porodičnog stambenog objekta Bukić Abdulaha iz Gornje Misoče općine Ilijaš.

Sredstva iz stava 1. će se isplatiti u korist računa Bukić Abdulaha br. 1601087020317742 otvorenog kod Vakufska banka dd Sarajevo.

**Član 2.**

Sredstva iz člana 1. ove Odluke osigurana su Budžetom općine Ilijaš za 2017. godinu, a teretit će budžetsku poziciju "budžetska rezerva", a konačno knjiženje će se izvršiti na budžetsku poziciju "novčane pomoći nezaposlenim".

**Član 3.**

Za realizaciju ove Odluke zadužuje se Služba za privredu, finansije i investicije i Služba civilne zaštite.

**Član 4.**

Ova odluka stupa na snagu danom donošenja.

Broj 01/2-14-1912/17  
11. augusta 2017. godine  
Ilijaš

Općinski načelnik  
**Akif Fazlić**, s. r.